



Inatsisartuni ilaasortaq Laura Táunâjik, Siumut  
/maani

## **Internet pillugu apeqquteqaammut 2018-316-imut akissuteqaat**

Asasara Laura Táunâjik

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

27-12-2018  
Suliaq nr.: 2018 - 26296  
Id nr. 36972084

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **1. Assersuutigalugu kangiani 20 GB 999,00 kr-qarpoq. Kitaanili illoqarfinni anginerusuni internet killeqanngitsoq 1000 kr. sinnilaaginnarlugit akeqarlutik, ilumut taamak ingerlaaseqarneq pissusissamisoorpa?**

Akissut: Kitaani Tunumilu immap naqqatigut kabeleqarfik teknologi eqqarsaatigalugu annertuunik assigiinngissuteqarpoq. Immap naqqatigut kabelimi pisinnaasat atorneqanngitsut peqqutaallutik atuneq amerlasooriarlugu annertusineqarsinnaavoq. Qaammataasanik atuiiffiusuni pissutsit taamaanngillat. Qaammataasat pisinnaasaat killeqartorujussuupput akisoorujussuullutillu. Taamaattumik killeqanngitsumik interneteqartoqarneratigut pisinnaasat artorsartinneqarnerulertussaapput, sumiiffinni atuisunut tamanut sunniuteqarnerluttumik.

Tele-Post-imiit pisinnaasat pitsanngorsaaviginiarlugit teknologiimi periarfissat malinnaaffigineqarput. Teknologi ukiuni tulliuttuni sumiiffinni qaammataasanik atuiiffiusuni pisinnaasanik tamanik pitsannguissasoq Naalakkersuisunit neriuutigineqarpoq.

### **2. Ukiut tamaasa Tele-Post aningaasanik millionilikkaanik sinneqartooruteqartarpoq, sinneqartoorutit atorlugit akit nunatta kangianut Internet eqqarsaatigalugu aqqiiviginiarneqanngilaq?**

Akissut: 2019-imut Aningaasanut Inatsimmut oqaasertaliussani Naalakkersuisut Tele Greenlandip 2018-imiit aamma 2019-imiit sinneqartoorutaanit 250 mio. koruunit tikillugit Kalaallit Airports A/S-imut akileeqaataassutissatut atuinissamut piginnaatinneqarput. Taamaalluni Tele Greenlandip sinneqartoorutissaatut naatsorsuutigineqartut atugassanngortinneqareerput.

**3. Internet nunatta kangiani siuarsaaviginissaanut Naalackersuisut iliuusissamik pilersaaruteqanngillat? Imaluunniit akit appartinneqarnissaannut periarfissat ammatinneqanngillat?**

Akissut: Naalackersuisut akinik aalajangersaaneq ajorput. Nalunaarasuartaateqarnermut Aqutsisut Tele-Post-ip qinnuteqarneratigut akinut akuersisarput. Aammattaaq apeqqut 1-imut akissut takuuk.

**4. Internetsip akia arpartinneqarsinnaava imaluunniit internet GB allisinneqarsinnaanerpa akiminut naleqqussalaarlugu? (Soorlu assersuut akigititaasoq taannaaginnarluni kisianni GB allisillugu 20GB-mit 50GB-mut?)**

Akissut: Apeqqut 1-imut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Karl Frederik Danielsen